

**UKA 2019/66: Inatsisip nr. 262, 16. marts 2016 ilanngunnissaannut, selskab-it inatsisaata, inuussutissarsiutigalugu suliffeqarfiutilinnut inatsisaata, inuussutissarsiutigalugu fond-it inatsisaata, inatsisillu tamalaat (Piginnittuiit nalunaarsornissaat eqqunneqarnissaanut) allanngortinnissaat anguniarlugit Naalakkersuisut, Danmark-ip Naalakkersuisuinut attaveqarnissaannut peqqunneqarnissaannik, Inatsisartut aalajangiiffigisassaattut siunnersuut.**

**pillugu**

**Inuussutissarsiornermut Aatsitassanullu Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISUTAA**

Inuussutissarsiornermut Aatsitassanullu Ataatsimiititaliap suliarinninnermini inuttarai:

Inatsisartunut ilaasortaq Henrik Fleischer, Siumut, Siulittaasoq

Inatsisartunut ilaasortaq Múte B. Egede, Inuit Ataqatigiit, Siulittaasup tullia

Inatsisartunut ilaasortaq Aqqalu Jerimiassen, Atassut

Inatsisartunut ilaasortaq Hermann Berthelsen, Siumut

Inatsisartunut ilaasortaq Steen Lyngé, Demokraatit

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Tillie Martinussen, Suleqatigiissitsisut

**1. Siunnersuut pillugu**

Inatsisip nr. 262-ip, 16. marts 2016-imeersup, ilaatigut ingerlatseqatigiiffiit pillugit inatsimmik allannguisup Kalaallit Nunaannut atortuulersinneqarnissaa siunertaralugu danskit naalakkersuisuinut saaffiginninnissamik Naalakkersuisut siunnersuutikkut pisussaaffilerneqarput.

Inatsimmut allannguut taanna piginnittuiit nalunaarsorneqarnissaat pillugu malittarisassiivoq.

Ingerlatseqatigiiffinnik katitereriaatsit paasiuminaallisakkat aqutigalugit suliffeqarfinnik piginnittunik paasiuminaallisaasinnaanermik ajornarnerulersitsinissaq siunertaavoq. Paasiuminarsaaneq nalilinnik nunanut akileraarutissaraluanik toqqorteriffiusunut nussuinernik pinaveersaartitsissaaq, aningaasanillu peqquserlulluni isertitanik malunnarunnaarsaasarnernik

pinerliiniaqatigiinnillu aningaasalersuisarnernik pinaveersaartitseqataassalluni. Paasiuminarsaanerup peqatigitillugu pisortani oqartussaasut aningaasaqarnikkut pinerluutunik paasiniaanissaminut periarfissaat pitsaanerulersissavai.

## **2. Inuusutissarsiornermut Aatsitassanullu Ataatsimiititaliap oqaaseqaatai inassuteqaataalu**

Siunnersuutip akuersissutigineqarnissaa Naalakkersuisunit akissuteqaatikkut inassutigineqartoq ataatsimiititaliamit paasineqarpoq, tassami Kalaallit Nunaanni ingerlatseqatigiiffiit pillugit inatsimmi piginnittuiit nalunaarsornissaat pillugu malittarisassanik aalajangersagaqarnissaa “pisariaqarluinnartut” Naalakkersuisunit nalilerneqarmat.

2020-imi ukiakkut ataatsimiinnermi peqqussummut missingiummik Inatsisartunut saqqummiussisinaanertik Naalakkersuisut naatsorsuutigaat.

Aammattaq ataatsimiititaliap maluginiarpaa siullermeerinninnermi siunnersuut taperserluarneqartoq.

Tamanna tunngavigalugu ataatsimiititaliap isumaqatigiittup siunnersuutip akuersissutigineqarnissaa inassutigaa

Peqqussummut missingiut kingusinnerpaamik 2020-mi ukiakkut ataatsimiinnermi, ajornanngippallu siusinnerusukkut, Inatsisartunut saqqummiunneqassasoq ataatsimiititaliamit isumaqatigiittumit kaammattuutigineqarpoq.

Ataatsimiititaliap taama oqaaseqaateqarluni siunnersuut aappasaaniigassanngortippaa.

---

Henrik Fleischer  
Siulittaasoq  
*Siumut*

---

Múte B. Egede  
*Inuit Ataqaṭigiit*

---

Aqqalu Jerimiassen  
*Atassut*

---

Hermann Berthelsen  
*Siumut*

---

Steen Lyngø  
*Demokraatit*

---

Peter Olsen  
*Inuit Ataqaṭigiit*

---

Tillie Martinussen  
*Suleqaṭigiissitsisut*